



UTFBiH

UDRUŽENJE TUŽILACA / TUŽITELJA
FEDERACIJE BOSNE I HERCEGOVINE

Treći globalni forum za Udruženje tužilaca

Uloga Udruženja tužilaca FBiH u izgradnji i obuci kadrova

Pripremile:

Federalne tužiteljice Federalnog tužilaštva F BiH.

Hajrija Hadžiomerović-Muftić, predsjednica Udruženja, i

Suada Salkić, član Udruženja tužilaca F BiH

Uvod

- Udruženje tužilaca F BiH je osnovano 12.10.1996. godine u Sarajevu, kada je donesen Statut udruženja, koji je izmjenjen i dopunjen dana 11.08.2011. godine, i kao takav služi kao akt temeljem čijih odredbi je organiziran rad i aktivnost Udruženja.
- Trenutno broji 142 člana, što u odnosu na 201 tužilaca u Federaciji BiH čini 70 % članova.



Strateški ciljevi Udruženja tužilaca F BiH

- Strateški ciljevi su usmjereni na očuvanju vladavine prava, principe provođenja pravde i nastojanju da se obezbijede uslovi koji su neophodno potrebni za obavljanje tužilačke funkcije, sukladno zakonu pravično, dosljedno i efikasno.
- U nastojanju da ostvare formulisane ciljeve, pored zalaganja na jačanju materijalne i kadrovske osnove, kao važnog faktora u neometanom funkcionisanju tužilačke funkcije, Udruženje tužilaca F BiH nastoji podići nivo znanja, vještina, sposobnosti, kreativnosti, motivacije i profesionalne posvećenosti u obavljanju tužilačke funkcije, zaštititi osnovnih prava i sloboda .
- Pri svemu tome značajna uloga Udruženja je u izgradnji i obuci kadrova pravosuđu.



Izgradnja i obuka kadrova – stručna savjetovanja

- Istakli bi najznačajnije aktivnosti na planu izgradnje i obuke kadrova u pravosuđu.
- Udruženje tužilaca F BiH održalo je do sada devet stručnih savjetovanja na kojim su pored tužilaca iz Bosne i Hercegovine, prisustvovali i predstavnici strukovnih udruženja u pravosuđu BiH, i susjednih država Slovenije, Hrvatske, Srbije, Crne Gore, koji su imali aktivnu ulogu u prezentacijama koje su pripremili i izložili u okviru pojedinih tematskih cjelina vezanih za određene oblasti kriminala.
- Posljednje IX Stručno savjetovanje tužilaca BiH održano je i Neumu, od 28. do 30. septembra 2016. godine, u partnerstvu sa Centrima za edukaciju sudija i tužilaca F BiH i RS, i finansijsku podršku USAID-a (organizovani kriminal i korupcija), Britanska ambasada i CRPC (oduzimanje imovinske koristi stečene krivičnim djelom), OSCE-a (krivična djela ratnog zločina), MFS „Emmaus“/ Helsinški komitet Nizozemske i Pravosudana akademija Nizozemske, OSCE-a , UNICEF-a (trgovina ljudima i krivična djela počinjena na štetu djece).
- I ove godine planirano je X Stručno savjetovanje tužilaca F BiH, od 27.do29 septembra 2017.godine , uz podršku istih partnera.



Saradnja sa strukovnim udruženjima u pravosuđu BiH

- Ujedno predstavnik Udruženja tužilaca F BiH, zajedno sa predstavnicima svih strukovnih udruženja u pravosuđu sudjeluje u radu Organizacionog odbora za pripremu Savjetovanja za krivično pravo i kriminologiju, koje se tradicionalno održava svake godine početkom juna u Neumu.



Saradnja Udruženja sa VSTV BiH u izgradnji i obuci kadrova I

- Važno je napomenuti da su predstavnici Udruženja tužilaca FBiH sudjelovali i na do sada održanim Konferencijama glavnih tužilaca u Bosni i Hercegovini.
- Ove godine VSTV BiH je pozvalo sve predsjednike strukovnih udruženja u pravosuđu da prisustvuju XIII Konferenciji glavnih tužilaca u BiH, koja će se održala u Sarajevu, 22. i 23. maja 2017. godine.
- Ujedno članovi Udruženja tužilaca FBiH pozivani su na sastanke VSTV BiH kada se raspravljalo o izmjenama i dopunama Zakona o sukobu interesa, na kojim nisu imali mogućnost glasanja, ali su svojim prijedlozima u svakom slučaju doprinijeli unapređenje teksta tog Zakona.



Saradnja sa VSTV BiH u izgradnji i obuci kadrova II

- VSTV BiH je takođe uputilo poziv Udruženju tužilaca F BiH, čiji su predstavnici, zajedno sa drugim predstavnicima strukovnih udruženja u pravosuđu, prisustvovali na Godišnjoj konferenciji „Borbe protiv korupcije i jačanja integriteta pravosuđa,, i Godišnjoj konferenciji „Borba protiv korupcije i jačanja integriteta pravosuđa (održanoj u Mostaru 12. i 13. decembra 2016. godine, u organizaciji USAID-ovog Projekta pravosuđa u BiH, VSTV BiH, API).



Saradnja Udruženja u izgradnji i obuci kadrova - III

- Vežano za integritet pravosuđa, na ovoj Konferenciji konstatovani su različito iskazani stavovi i mišljenja koji utiču na integritet u radu VSTV BiH ili /i pravosudnih institucija u BiH, u procedurama i postupcima ocjenjivanja rezultata rada, izbora i imenovanja, disciplinskih postupaka, odgovornosti glavnih tužilaca i predsjednika sudova u nadzoru funkcionisanja sistema unutar pravosudne institucija i blagovremenog preduzimanja raspoloživih mjera na suzbijanju pojava koje dovode u pitanje integritet institucije, pojedinačne odgovornosti članova VSTV BiH, sudija i tužilaca, što između ostalog stvara (ne)osnovane sumnje i u njihova koruptivna ponašanja.
- U odnosu na uzroke gore navedenom, istaknuti su i politički uticaji, lobiranja, rukovođena raznim interesima, lojalnost, ne zamjeranja, nedostatak istrajnosti utapanjem u opštu atmosferu i sl.



Uključenost Udruženja u konsultacije i implementaciju projekata EU-IPA II

- Direkcija za evropske integracije Vijeća ministara BiH (dalje: DEI) održala je prezentaciju povodom zvaničnog pokretanja **web aplikacije eKonsultacije** u procesu programiranja i implementiranja IPA II. Aplikacija/platforma razvijena je u okviru projekta „Jačanje kapaciteta vladinih institucija za učešće u političkom dijalogu sa civilnim društvom” (CBGI), finansiran od strane Evropske unije.
- Cilj projekta je da se građanima, organizacijama civilnog društva i široj javnosti u BiH, omogući učešće u procesu planiranja, programiranja i provedbe IPA-e II, te potpuno i blagovremeno informisanje putem interneta, uz mogućnosti predlaganja svojih ideja i sugestija za unapređenje ovog procesa.



Uključenost u konsultacije i implementaciju projekta EU-IPA II

- S obzirom da je funkcionalni dijalog, koordiniranje i učešće građana u procesu kreiranja i provedbi javnih politika važan element procesa evropskih integracija, ova aplikacija predstavlja moderan internet alat kojim građani BiH na jednostavan način, mogu izraziti svoje mišljenje o predmetnim procesima, a koji su u domenu njihovih interesa.



Saradnja Udruženja sa nevladinim sektorom uz podršku međunarodnih organizacija

- Predstavnicima strukovnih udruženja u pravosuđu, uključujući i predstavnika Udruženja tužilaca F BiH su učestvovali u implementaciji projekta, koje se odnosi se na sektorski dio projekta pravosudne vlasti u BiH pod nazivom „Program održivosti civilnog društva“ kojeg uz podršku USAID-a implementira „Forum građana Tuzla“, u partnerstvu sa Helsinškim odborom za ljudska prava Republike Srpske.
- U realizaciji projekta formirane su dvije radne grupe, i to :
- Radna grupa I „Efikasnost i nepristrasnost pravosuđa i odgovornost nosilaca pravosudne funkcije“, i
- Radna grupa II „Položaj, nezavisnost i način izbora Visokog sudskog i tužilačkog vijeća BiH“.
- U realizaciji projekta Radne grupe, koje su formirane od predstavnika sudskih i tužilačkih strukovnih udruženja iz BiH, predložene su određene preporuke koje treba da doprinesu efikasnosti, nezavisnosti, samostalnosti i odgovornosti sudija i tužilaca te Visokog sudskog i tužilačkog vijeća BiH, kao i izgradnji povjerenja građana u ovaj važan dio državne vlasti.



Saradnja sa drugim strukovnim udruženjima u pravosuđu BiH, i regionu.

- Udruženje tužilaca u F BiH, u okviru strateških ciljeva utvrđenih Statutom Udruženja, nastojalo je da ostvari uspješnu saradnju sa drugim strukovnim udruženjima tužilaca u pravosuđu BiH i šire. Želimo posebno istaknuti saradnju sa državama u okruženju, sa kojima ostvarujemo uspješnu saradnju i na konkretnim predmetima. Osim konkretnih predmeta, pružamo jedni drugima pomoć za učinkovitiju i efikasniju međunarodnu saradnju, što daje mogućnost uspješnijeg rješavanja određenih pitanja i problema od zajedničkog interesa.
- Interes za uspostavu ove saradnje iskazali su tužioci Slovenije, Hrvatske, Srbije i Crne Gore, koji daju svoj doprinos jačanju saradnje kroz svoje učešće na Stručnim savjetovanjima tužilaca u BiH, kao i svojim aktivnim sudjelovanjem, kao predavači te nam na taj način prenose svoja pozitivna iskustva i praksu, koja je značajna i za unapređenje rada tužilaca u BiH.



Primjer dobre prakse u saradnji sa strukovnim udruženjima drugih država

- Udruženje tužilaca F BiH organizovalo je posjetu predstavnika Udruženja tužilaca Slovenije, koji su izrazili želju da se upoznaju sa aktivnostima vezanim za zakonodavni okvir i postupanje sa djecom na čiju štetu je počinjeno krivično djelo.
- U saradnji sa UNICEF-om organizovana im je posjeta, koja je trajala od 20. do 22. marta 2017. godine
- U toku održavanja stručnih predavanja , tužioci iz Slovenije, dobili su odgovore od predavača i predstavnika UNICEF-a na pitanja u vezi postupanjem sa djecom u krivičnom postupku, posebno u vezi uzimanja izjava od djece, uključenosti centara za socijalni rad i psihologa u pripremi djeteta za davanje izjave i praktičnim primjerima iz prakse. Ovo je bio veoma zanimljiv i koristan metod obuke, jer se razvila, uspješna interaktivna diskusija, u kojoj smo imali priliku da prenesemo sve koristi u primjeni ovog zakona, ali i probleme koje nailazimo u praksi. Isto tako od tužilaca iz Slovenije smo čuli kako oni postupaju, ali i o problemima koji su uglavnom slični našim.

(Zakon o zaštiti i postupanju sa djecom i maloljetnim osoba u krivičnom postupku F BiH)



Izgradnja internih i eksternih kapaciteta Udruženja tužilaca F BiH

- Udruženje tužilaca FBiH implementira projekt pod nazivom “Institucionalna podrška – izgradnja internih i eksternih kapaciteta Udruženja tužilaca FBiH”, pod pokroviteljstvom Visokog sudskog i tužilačkog vijeća BiH i Vlade Švicarske konfederacije putem Ambasade Švicarske u Bosni i Hercegovini.
- Održane su dvije radionice, na kojima su sudjelovali predstavnici svih strukovnih udruženja u pravosuđu BiH, i to:
- Jačanje strukovnih udruženja u pravosuđu u BiH“, i
- Radionica/trening pod nazivom „Odnosi s javnošću/Javni nastup i prezentacija“. Predavanja su se odnosila na načine lobiranja i jačanja strukovnih udruženja, te važnost saradnje sa sličnim ili istim udruženjima u regionu.
- Radionici su prisustvovali i članovi Udruženja tužilaca Srbije, koji su održali predavanja na temu „Uloga i značaj Udruženja tužilaca Srbije“



Izgradnja internih i eksternih kapaciteta Udruženja tužilaca F BiH – III radionica

- U okviru istog projekata održana je i radionica koja je imala za cilj da ukaže na specifične tehnike učenja odraslih, prikaže uspješne modele vođenja radionice za odrasle polaznike, te da pouči polaznike o sredstvima za uspješnu prezentaciju (Power Point prezentacija, vježbe i primjeri), kao i da pouči polaznike kako da savladaju prepreke prilikom vođenja radionice (“teški” polaznici, polaznici koji ometaju obuku i sl.), kao i praktično učenje javnog nastupa pred TV i foto kamerama.
- Takođe, učesnici su upoznati sa vještinama kako prepoznati i shvatiti važnost dobrih odnosa s javnošću u tužilaštvima, te upoznati učesnike sa ključnim tehnikama i alatima koji se koriste u odnosima s javnošću u tužilaštvima, učesnici su upoznati sa ključnim metodama i tehnikama u komunikaciji tužilaštava s medijima, kao i kako identificirati, prezentirati i koristiti ključne elemente javnog nastupa.
- I ovoj radionici su prisustvovali predstavnici svih strukovnih udruženja u pravosuđu BiH.



Izgradnja internih i eksternih kapaciteta Udruženja tužilaca F BiH – Web stranica

- U sklopu istog projekta kreirana je web stranica pod domenom www.utfbih.ba, koju redovno ažurira web administrator finansiran sredstvima iz projekta.
- Također je nabavljena tehnička oprema, koju čine tablet i foto aparat, neophodni za praćenje događaja i ažuriranje web stranice.
- Letak, predviđen projektom, je također napisan, lektorisan i trenutno se nalazi u fazi grafičke obrade i štampe.
- Ovim projektom predviđena je još jedna jednodnevna radionica koja bi obuhvatila učenje pisanja projekta (basic level) za tužioce i predstavnike strukovnih udruženja, te pisanje aplikacije za prijem Udruženja tužilaca FBiH u Međunarodnu organizaciju tužilaca. Realizacija ovih aktivnosti predviđena je do prve polovine juna 2017.



Zaključak

- Udruženje tužilaca Federacije BiH će se u narednom periodu energično zalagati da unutar pravosuđa, tužilaštva ostanu neovisna od ostalih grana državne vlasti (zakonodavne i izvršne), i da unutar pravosuđa tužioci moraju biti slobodni u izvršavanju svojih profesionalnih dužnosti, bez političkih uplitanja.
- Tužioci moraju biti zaštićeni, kako zakonskim rješenjima, tako i u praksi od napada i proganjanja tokom obavljanja svojih dužnosti.
- Istovremeno i tužioci trebaju biti aktivni zagovornici ljudskih prava, te zadržati najviši stupanj profesionalnog integriteta i digniteta (Kodeks tužilačke etike)
- Udruženje tužilaca F BiH će i dalje aktivno sudjelovati u izgradnji i obuci kadrova u pravosuđu, u saradnji sa Centrima za edukaciju sudija i tužilaca FBiH i RS, međunarodnim i nevladinim organizacijama i institucijama.
- Saradnja sa strukovnim udruženjima u BiH i susjednim državama će i dalje biti prisutna u radu Udruženja tužilaca F BiH, jer je iskustvo pokazalo da razmjena iskustva i prakse doprinosi efikasnijem i kvalitetnijem radu tužilaca , i razvija dobre profesionalne, kolegijalne, prijateljske odnose sa kolegama i kolegicama iz struke.



Hvala na pažnji

